

Verbâl de riunion dal Consei Gjenerâl dai 5 di Mai dal 2023

Clamât adun cun letare dai 20 di Avrîl dal 2023, vinars ai 5 di Mai dal 2023 aes cinc e mieze sore sere si à dât dongje in presince tal sît sociâl di Palaç Mantica in Vie Manin 18 a Udin e a distance in modalitât telematiche il Consei Gjenerâl de Societât Filologjiche Furlane, par discuti dal ordin dal dì metût ca sot:

1. Leture e aprovazion dal verbâl de volte prime;
2. Comunicazions dal President;
3. Setemane de Culture Furlane 2023;
4. Ativitâts sociâls e propuestis dai conseîrs;
5. Variis, se dal câs.

Ae clamade dal President Vicario a rispuindin i Conseîrs:

- *in presince* Bortolussi, Garzoni, Medeossi, Pastres, Ruffini, Sello, Venuti, Vidoni;
- *a distance* Carlon, Castellarin, Castenetto, Chiarandini, Cinausero Hofer, Colussi, Contin, Della Mora, Dorissa, Finco, Frisano, Miotto, Mitri, Morocutti, Navarria, Pagnucco, Petris, Scippa, Stel, Vezzi;

Si son justificâts:

Aita, Bello, Bressan, Bulfon, Cossar, Dei Rossi, Franco, Grossutti, Lorenzini, Menegoz, Perini, Pezzarini, Portelli, Salvadori, Sluga, Tilatti, Visintin, Zanello;

No son:

Beorchia, Casanova, Cozzi, Damiani, Davide, del Torre, Driol, Fadelli, Janežič, Lovison, Madriz, Muzzatti, Pati, Perabò, Percotto, Radivo, Roncali, Tassin, Taverna, Tirelli, Varutti Elio, Varutti Marta, Venier.

Al è presint ancje il soci benemerit Pelizzo.

PONT NUMAR 1 DAL O.D.D.:

Leture e aprovazion dal verbâl de volte prime.

Il verbâl de riunion dal Consei Gjenerâl dai 13 di Dicembar dal 2022 al ven fat bon a la unanimitât.

PONT NUMAR 2 DAL O.D.D.:

Comunicazions dal President.

Il President al inzorne il Consei cun rivuart a:

- lis publicazions che a son stadis buridis fûr tai ultins mês:
 - o *Storiis de Basse* di Gina Marpillero (golaine Scritôrs dal Friûl);
 - o *Cjanâl da la Miduna* di Maurizio Puntin (golaine Genti e Luoghi del Friuli);

- *Lessico friulano di arti e mestieri* di Carla Marcato (golaine Biblioteca di Studi Linguistici e Filologici);
- lis rivistis che a son stadis publicadis:
 - *Sot la Nape* 4/2022 e 1/2023 publicadis e 2/2023 in preparazion;
 - *Ce fastu?* dât fûr pe Assemblee.
- I progjet finanziâts
 - *Primis Plus* a valê su la programazion Interreg Italie-Slovenie;
 - *Saperi al Setaccio* a valê sui bants etnografics de Region Friûl Vignesie Julie;
 - *Setemane de Culture Furlane 2023* a valê sul Avîs Culture e Avîs Turisim de Region Friûl Vignesie Julie;
- i progjets presentâts
 - *GO Care! Living the border* a valê sul Bant Interreg GECT Gurize inte Suaze de programazion pe Capitâl Europeane de culture 2025;
- i progjets inviâts
 - *Cors pratics in presince e in linie* (bant plurienâl de ARLeF) daûr a jessi sierâts;
 - *Indagjin sociolenghistiche* pe Regjon dal Venit;
 - *Biblioteca Digitale Friulana*, bant ripartence de Regjon Friûl Vignesie Julie, in particolâr cul inviamet des *Teche Friulane*;
- ativitâts de biblioteche
 - conclusion de catalogazion dai documentaris dal *font etnografic Ciceri Pellis*, cumò disponibil on line sul sît de Filologjiche;
 - catalogazion dal *font fotografic Cap. Oreste Bugni* su la Prime Vuere Mondiâl tal Gurizan, cumò disponibil on line sul sît de Filologjiche;
 - *Riviste Friulane*, tal portâl a son daûr a jessi cjariadis Bisiacaria, il Friuli, Itinerari;
 - *Bibliografie furlane di Pier Paolo Pasolini* presentade a Cjasarse e a Udin;
 - catalogazion dal font dai *Manifestcj furlans* de Filologjiche;
 - Catalogazion de golaine dai *Racconti Popolari Friulani* cul sisteme Aarne Thompson.
- ativitâts dal Centri di Documentazion Ricercje e Sperimentazion Didatiche pe Scuele Furlane (Docuscuele)
 - *Vê cure | Avere cura* progjet educatîf finanziât dal Avîs sul Tierç Setôr de Regjon Friûl Vignesie Julie;
- al è stât publicât il Bant pal Premi Ciceri, edizion XXI;
- e larà in onde su Radio RAI pal Friûl Vignesie Julie une edizion radiofoniche di *Par un pêl* di Riedo Puppo par cure di Massimo Somaglino;
- la Filologjiche e à presentât la domande di adesion ae Union Federâl des nazionalitâts europeanis (FUEN).

A intervegnin:

- Vidoni al domande se i cors pratics a tornaran a jessi inviâts vie pe Sierade;
- Miotto e propon che la Filologjiche e sedi presinte a PordenoneLegge cu lis sôs presentations e cuntun bancut par vendi i siei libris;

- Pagnucco al rimarche la impuartance di inviâ un nivel intermedi dai cors pratics cussì di miorâ la cognossince de koinè e dal ûs scrit de lenghe furlane.

PONT NUMAR 3 DAL O.D.D.:

Setemane de Culture Furlane 2023.

Il President al informe che la X edizion de Setemane de Culture Furlane si davuelzarà dai 18 ai 28 di Mai dal 2023. Jenfri i cetancj events si segnale:

- la Fraie de Vierte si le varà ai 28 di Mai a Prepot;
- pai aniversaris si ricuardaran Arturo Zardini tai cent agns de muart e Tiziano Tessitori tai cincuant agns de muart;
- il sît internet www.setemane.it al è daûr a jessi rinovât.

A intervegnin:

- Ruffini, preasant il program de Setemane di chest an, e invide ducj i conseîrs a jessi presints par rapresentâ la Filologjiche;
- Bortolussi al propon la publicazion de sô racuelte di tescj pe Setemane;
- Del Fabbro e ricuarde i doi apontaments di vinars ai 19 di Mai cul concerti te Plêf di Guart e cu la mostre su Paul Scheuermeier tal Museu Gortani a Tumieç.

PONT NUMAR 4 DAL O.D.D.:

Ativitâts sociâls e propuestis dai conseîrs.

Al interven il soci benemerit Pelizzo che al propon di abolî lis riunions dal Consei a distance in modalitât telematiche par pocâ la presince.

PONT NUMAR 5 DAL O.D.D.:

Variis, se dal câs.

Nuie ce segnalâ.

La riunion si siere aes 18.50.

Il segretari verbalizant

Feliciano Medeot